

VIZE PER TURIZEM

Viza për Turizëm i lejon hyrjen në Itali atij personi i cili dëshiron të vizitojë për arsye turistike Italianë, si destinacion kryesor, si edhe eventualisht hapësirën territoriale të Shteteve të tjerë Schengen.

Çdo banor i Kosovës i cili kërkon vizë hyrjeje në Itali për Turizëm duhet të paraqitet personalisht pranë Sportelit të vizave të Ambasadës Italiane në Prishtinë në ditën e në orën e caktuar dhe t'i dorëzojë personelit përkatës "Formularin e kërkesës për vizë" me dy fotografi aktuale sipas standardit ICAO, të mbushur në të gjitha pjesët e tij me gërma të mëdha shtypi.

Kërkesës për vizë duhet t'i bashkangjiten dokumentet e poshtëshënuar si edhe një fotokopje e qartë e tyre:

1) Pasaportë të vlefshme të paktën deri në skadimin e afatit të vizës së kërkuar;

2) Dokumente që vërtetojnë qëllimin e udhëtimit si edhe të qëndrimit në Itali: rezervim hoteli ose Ftesë (Lettera d'Invito) e nënshkruar nga një person fizik apo juridik italian apo nga çdo person tjetër fizik që banon rregullisht në Itali. Ajo duhet të shoqërohet nga një fotokopje e qartë e letërnjoftimit të ftuesit si edhe nga një fotokopje e qartë e Lejes së Qëndrimit në Itali (Permesso di Soggiorno) nëse ftuesi nuk është nënshtetas italian.

KUJDES: Zyra e Vizave rezervon të drejtën që të kërkojë, në raste të caktuara, nga ana e aplikuesit, pagesën, nëpërmjet një transferi bankar ndërkombëtar, të një shume të caktuar si parapagim të strukturës hoteliere të përzgjedhur.

3) Dokumente të gjendjes civile që vërtetojnë lidhjen eventuale farefisnore me personin ftues në Itali të legalizuara nga Departamenti i Gjendjes Civile pranë Ministrisë së Punëve të Brendshme, Prishtinë;

4) Dokumente që vërtetojnë situatën sociale dhe profesionale në Kosovë:

- **për punëtorët me kontratë:** kontrata e punës, vërtetim i punëdhënësit ku të tregohen qartë: data e fillimit të marrëdhënies së punës, kualifikimi profesional dhe rroga mujore si edhe një vërtetim i lëshuar nga Administrata Tatimore ku të vërtetohet derdhja e kontributeve pensionale dhe të tatimit mbi paga;
- **për personat që kanë biznesin** e tyre personal: certifikata e rregjistrimit të firmës si edhe një vërtetim mbi biznesin, me datë jo më të hershme se një muaj, i lëshuar nga Autoriteti i Rregjistrimit të Bizneseve pranë Ministrisë së Tregtisë dhe Industrisë ku të vërtetohet lloji i aktivitetit tregtar;
- **për studentët:** vërtetim rregjistrimi i lëshuar nga shkolla ose Fakulteti, kontratat e punës së prindërve, vërtetim i punëdhënësit të këtyre të fundit ku të tregohen qartë: data e fillimit të marrëdhënies së punës, kualifikimi profesional dhe rroga mujore si edhe një vërtetim i lëshuar nga Administrata Tatimore ku të vërtetohet derdhja e kontributeve pensionale dhe të tatimit mbi paga;
- **për pensionistët:** vërtetim mbi marrjen e pensioneve;
- **për të papunët:** vërtetim mbi papunësinë i lëshuar nga Qendra për Punë Sociale pranë Komunës së vendbanimit.

5) Dokumente që vërtetojnë situatën ekonomike dhe financiare në Kosovë:

- vërtetime mbi pasuri të patundshme në Kosovë;
- pasqyrë përmbledhëse bankare ORIGJINALE (jo e fotokopjuar ose e skanerizuar) e llogarisë Tuaj (personale/ familjare/e biznesit) e lëshuar nga banka përkatëse në datë jo më të hershme se 6 muaj;
- fotokopje të debi ose kredi kartelave bankare (duhet të fotokopjohet vetëm pjesa e përparme).

6) Deklarata mbi Bashkësinë Familiare, e lëshuar nga Komuna e vendbanimit të aplikuesit në datë jo më të hershme se 6-muaj, ku të vërtetohet përbërja familjare e tij/saj;

7) VETEM PER TE MITURIT NEN 18 VJEC:

- certifikatë lindjeje e të miturit e legalizuar nga Departamenti i Gjendjes Civile Ministria e Punëve të Brendshme, Prishtinë;
- pëlqimi i prindit/prindërve për të dalë jashtë Kosovës e cila jepet përpara zyrtarit të vizave pranë Ambasadës Italiane në Prishtinë me anën e një deklarate që të dy prindërit (ose prindi që mbetet në Kosovë) duhet të nënshkruajnë personalisht përpara tij ose pranë një noteri.

8) Dokumente që vërtetojnë mbajtjen e mjeteve financiare të nevojshëm për qëndrimin në Itali (alternativë): kredi-kartela bankare - travellers cheques - fideus bankar.

***KUJDES:** Llogaritja e mjeteve financiarë të nevojshëm për qëndrimin në Itali bëhet sipas tabelës që mund të gjeni në Formularin e kërkesës për vizë.*

9) Dokumente eventuale që vërtetojnë qëndrime të mëhershme në hapësirën territoriale Schengen: fotokopje e vizave Schengen;

10) Dokumente që dëshmojnë mjetet e transportit: bileta e avionit vajtje/ardhje ose, nëse udhëtoni me makinë, fotokopje e qartë e dokumenteve të automjetit;

11) Sigurim shëndetësor ndërkombëtar i njohur nga Ambasada Italiane në Prishtinë; policia e sigurimit shëndetësor duhet të jetë e nënshkruar pranë njëres prej Kompanive vijuese të Sigurimit: **ADAC-VERSICHERUNGEN, ELSIG, ILLYRIA, KOSOVA E RE, SIGAL, SIGKOS, SIGMA e SIGURIA**; ajo duhet të jetë e vlefshme në të gjithë hapësirën territoriale të shteteve Schengen, duhet të mbulojë shpenzimet spitalore në rast sëmundjeje dhe/ose aksidenti si edhe shpenzimet e nevojshme për riatdhesimin e kufomës në rast vdekjeje. Shuma siguruese minimale nuk duhet të jetë më e vogël se 30.000 Euro

***Kujdes:** Renditja e Kompanive të Sigurimit të sipërshënuara është bërë në rend alfabetik dhe nuk shpreh, në asnjë mënyrë, asnjë preferencë zgjedhjeje nga ana e Sektorit të Vizave pranë kësaj Ambasade.*